

**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO
UNUTRAŠNJIH POSLOVA**



**BOSNIA AND
HERZEGOVINA
FEDERATION OF BOSNIA
AND HERZEGOVINA
THE UNA-SANA CANTON
MINISTRY OF THE
INTERIOR**

**ODLUKA O IZBORU NAJPOVOLJNIJEG PONUDAČA
OTVORENI POSTUPAK**

Broj: 05-05/01-14-1327/17
Bihać, 04.01.2018. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH («Službeni glasnik BiH» broj 39/14), Preporuke o izboru najpovoljnijeg ponuđača Komisije za javnu nabavku Ministarstva unutrašnjih poslova USK broj 05-01/01-14-1327/17 od 28.12.2017. godine, a na osnovu člana 24. stav (2) tačka e) Zakona o unutrašnjim poslovima USK («Službeni glasnik USK» broj 13/16) u postupku Sukcesivne nabavke higijenskog i potrošnog materijala za 2018. godinu, Ministar Ministarstva unutrašnjih poslova Unsko-sanskog kantona je d o n i o

O D L U K U
o izboru najpovoljnijeg ponuđača

Član 1.

Prihvata se Preporuka o izboru najpovoljnijeg ponuđača Komisije za javnu nabavku Ministarstva unutrašnjih poslova USK broj 05-01/01-14-1327/17 od 28.12.2017. godine i Ugovor za sukcesivnu nabavku higijenskog i potrošnog materijala za 2018. godinu dodjeljuje se ponuđaču **«DEFTER» d.o.o. Sarajevo**, ponuda broj 665/2017 od 26.12.2017. godine, **za ponudenu cijenu od 6.865,20 KM bez PDV-a**, kao najbolje ocijenjenom.

Član 2.

Prijedlog Ugovora o nabavci dostavit će se na potpis izabranom ponuđaču «DEFTER» d.o.o. Sarajevo po protoku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Sektor za materijalno-finansijske poslove i podršku Ministarstva unutrašnjih poslova USK, Odsjek za materijalne poslove i nabavu.

Član 4.

Ova Odluka će se objaviti na web stranici: www.mupusk.gov.ba istovremeno s upućivanjem ponuđačima koji su učestvovali u postupku javne nabavke, u skladu s

članom 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

O b r a z l o ž e n j e

Postupak javne nabavke Sukcesivna nabavka higijenskog i potrošnog materijala za 2018. godinu pokrenut je Odlukom o pokretanju postupka javne nabavke 05-05/01-14-1327/17 od 10.11.2017. godine.

Javna nabavka je provedena putem otvorenog postupka.

Procijenjena vrijednost javne nabavke bez obračunatog PDV iznosi do 9.600 KM.

Obavještenje o javnoj nabavci broj 709-1-1-90-3-50/17 objavljeno je na Portalu javnih nabavki dana 22.11.2017. godine, a sažetak Obavještenja o javnoj nabavci objavljen je u «Službenom glasniku BiH» broj 85 od 01.12.2017. godine.

Komisija za javne nabavke Ministarstva unutrašnjih poslova USK imenovana je Rješenjem broj 05-01-14-1198/17 od 16.10.2017. godine.

Krajnji rok za prijem ponuda bio je 28.12.2017. godine do 12,00 sati.

Komisija za javne nabavke Ministarstva unutrašnjih poslova USK dostavila je dana 28.12.2017. godine Zapisnik o otvaranju ponuda od 28.12.2017. godine, Zapisnik o ocjeni ponuda broj 05-01/01-14-1327/17 od 28.12.2017. godine i Preporuku o izboru najpovoljnijeg ponuđača broj 05-01/01-14-1327/17 od 28.12.2017. godine u postupku javne nabavke Sukcesivna nabavka higijenskog i potrošnog materijala za 2018. godinu.

U postupku po dostavljenim zapisnicima utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno slijedeće:

- da je ukupan broj pristiglih ponuda – 1 (jedna)
- da su blagovremeno zaprimljene ponude – 1 (jedna)
- da su neblagovremeno zaprimljene ponude – 0 (nula)
- da nije bilo neprihvatljivih ponuda.

Uvidom u dostavljenu ponudu Komisija je konstatovala da ponuđač zadovoljava kriterije, odnosno ispunjava formalno-pravne uvjete koji su predviđeni tenderskom dokumentacijom.

S tim u vezi primjenjujući kriterij najniža cijena Komisija je utvrdila da je ponuda „DEFTER“ d.o.o. Sarajevo jedina dostavljena u zadatom roku, da zadovoljava tražene kriterije, te da ponuđena cijena bez PDV iznosi 6.865,20 KM.

Ponuđena cijena = zbir svih jediničnih cijena u Obrascu za cijenu ponude – Aneks 3.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za javne nabavke Ministarstva unutrašnjih poslova USK.

Naime, u postupku je utvrđeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Uvidom u priloženu dokumentaciju nesporno je da je izabrani ponuđač najbolje ocijenjen.

Iz navedenih razloga, primjenom člana 64. stav (1) tačka e) Zakona o javnim nabavkama BiH odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

MINISTAR

/ Anel Ramić/

Dostavljeno:

- Ponuđaču «DEFTER» d.o.o. Gatačka broj 20. 71000 Sarajevo
- Ministru MUP USK
- Informatika
- a/a